



Broj: 05-4559-6/18
Sarajevo, 06. 12. 2018. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-4559-5/18 od 04. 12. 2018. godine, te člana 16. Statuta Agencije za bankarstvo Federacije BiH („Službene novine Federacije BiH“, broj: 3/18) direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

I.

Prihvata se preporuka komisije za provođenje postupka javne nabavke usluga čišćenja poslovnih prostorija Agencije za bankarstvo Federacije BiH (u nastavku: ugovorni organ), putem otvorenog postupka, i okvirni sporazum za javnu nabavku predmetnih usluga dodjeljuje se ponuđaču „ATALIAN GLOBAL SERVICES BH“ d.o.o. Sarajevo.

II.

Ukupna vrijednost okvirnog sporazuma iz člana I. ove odluke za period od jedne godine, bez uračunatog poreza na dodanu vrijednost (PDV-a), iznosi 56.170,00 KM.

III.

Po okončanju roka za žalbu, ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

IV.

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Odlukom o pokretanju postupka javne nabavke usluga čišćenja, broj: 05-4559/18 od 14. 11. 2018. godine, odobreno je provođenje postupka predmetne nabavke za potrebe ugovornog organa. Javna nabavka provedena je putem otvorenog postupka, a kriterij za dodjelu ugovora je najniža cijena tehnički zadovoljavajuće i prihvatljive ponude. U skladu s članom 35. Zakona, Obavještenje o nabavci, broj:

3010-1-2-323-3-51/18 od 15. 11. 2018. godine objavljeno je na Portalu javnih nabavki (ejn.gov.ba), a sažetak obavještenja objavljen je u Službenom glasniku, broj: 83/2018 od 23. 11. 2018. godine.

U skladu s odlukom ugovornog organa imenovana je komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača. Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je konstatovano da je po predmetnom postupku nabavke pravovremeno pristiglo 6 (šest) ponuda.

Na osnovu izvršene analize i ocjene prispjelih ponuda u pogledu kvalifikacijskih i cjenovnih uslova nadmetanja, komisija je utvrdila:

- da su ponude ponuđača „ATALIAN GLOBAL SERVICES BH“ d.o.o. i „IOS“ d.o.o. Sarajevo kvalifikovane i prihvatljive, te da su dostavljeni svi traženi dokazi propisani Tenderskom dokumentacijom (u nastavku TD), na propisan način;
- da se ponude ponuđača „EUROSAN“ d.o.o. Mostar i „ECOTIME“ d.o.o. Sarajevo, „SAMSIC“ d.o.o. Sarajevo, „GTS“ d.o.o. Sarajevo odbacuju na osnovu odredbi člana 68. stav (1) i (4) Zakona, s obzirom da navedeni ponuđači nisu ispunili u cijelosti sve zadane uslove iz tačke 3. TD (Ekonomska i finansijska sposobnost ponuđača - član 47. Zakona), odnosno člana 18. tačke m) Uputstva za pripremu modela tenderske dokumentacije i ponuda, i poglavlja IV. Podaci o ponudi tačka B)., Način izrade ponude TD kako slijedi:
- ponuđač „EUROSAN“ d.o.o. Mostar je dostavio Potvrdu od strane banke s datumom izdavanja na dan 27. 11. 2018. godine, u kojoj stoji da njegov račun nije blokiran zadnjih 12 (dvanaest) mjeseci od datuma izdavanja Potvrde, što nije usklađeno sa zadanim uslovima iz TD, u kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih 12 (dvanaest) mjeseci od datuma objave Objave obavještenja o nabavci (15. 11. 2018. godine);
- ponuđač „ECOTIME“ d.o.o. Sarajevo je dostavio Potvrdu od strane banke s datumom izdavanja na dan 28. 11. 2018. godine, u kojoj stoji da njegov račun nije blokiran unazad 12 (dvanaest) mjeseci od dana objave Obavještenja o nabavci (15. 11. 2018. godine). Dostavljena Potvrda je izdata od strane banke na dan 27. 11. 2018. godine, u kojoj stoji da njegov račun nije blokiran zadnjih 12 (dvanaest) mjeseci od datuma izdavanja Potvrde, što nije usklađeno sa zadanim uslovima iz TD, u kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih 12 (dvanaest) mjeseci od datuma Objave obavještenja o nabavci (15. 11. 2018. godine);
- ponuđač „SAMSIC“ d.o.o. Sarajevo je dostavio Potvrdu od strane banke s datumom izdavanja na dan 05. 11. 2018. godine, u kojoj stoji da je njegov račun solventan, aktivan te da nije blokiran, bez navođenja perioda solventnosti, što nije usklađeno sa zadanim uslovima iz TD, u kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih 12 (dvanaest) mjeseci od datuma objave Objave obavještenja o nabavci (15. 11. 2018. godine);
- u ponudi ponuđača „GTS“ Sarajevo, u obrascu Izjave o ispunjenosti uslova iz člana 47. Zakona o javnim nabavkama vršene su ispravke na nepropisan način, bez da je ispravka potvrđena potpisom ponuđača, uz navođenje datuma ispravke (ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke), a što je u suprotnosti s odredbama člana 18. tačke m) Uputstva za pripremu modela tenderske dokumentacije i poglavljem IV. Podaci o ponudi, tačka B)., Način izrade ponude TD.



U vezi s navedenim, u slijedećoj tabeli daju se rezultati rangiranja ponuda prema kriteriju za dodjelu ugovora, kako slijedi:

Redni broj	Ponudači	Ukupna cijena, bez PDV-a
1.	ATALIAN GLOBAL SERVICES BH d.o.o. Sarajevo	56.170,00 KM
2.	IOS d.o.o. Sarajevo	56.322,00 KM

Iz prednje navedenog vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija za nabavke dala preporuke da se istom, saglasno članu 69. stav (1) tačka a) Zakona, dodijeli okvirni sporazum u predmetnom postupku nabavke usluga.

U postupku donošenja ove odluke, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvažavajući sve navedeno, primjenom člana 64. stav 1. tačka a) Zakona, člana 25., člana 70. stavovi 1., 3. i 6. Zakona, člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 16. Statuta Ugovornog organa, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.